



Indgået

6 JUNI 2017

Inatsisartunut ilaasortaq
Jess Svane, Siumut

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqut 2017-152-imut atatillugu tusarniaanermut akissut

Aallaqqaasiutigalugu Inatsisartut suleriaasianni § 37 naapertorlugu apeqqutigisannut qujavunga.

Innuttaasut nappaassuarmik eqqugaasut qaniginerpaasaallu allanik nanertuuteqaratik katsorsarneqarneranni najortigiissinnaanerit anguniarlugu Naalakkersuisut iliuuseqalersaernerlutik?

Kræftimik nappaatillit inooqataanikkut pisariaqartitaat innuttaasut sinneri assigalugit ajornakusoortulitullu assigiinngiaartuupput. Kræftimik nappaateqalernerimi inooqataanikkut pisariaqartitat, tassungalu ilanngullugu inuttut aningaasaqarniarnikkut kingunerisai suli qulaajarneqanngillat.

Innuttaasoq kræftimik nappaatilik taassumalu qanigisai inuunermi atugarilikkani tamarmik sunnertittarput, assersuutigalugulu kræftertup angerlarsimaffik qimallugu katsorsartinnerani taassuma angerlarsimaffiata paarineqarnissaani suliassat, akiligassat akilerneqarnissaat kiisalu kræftertup suliffini annaaguniuk pisortanit ikiorsemegarnissamik qinnuteqarnissaq isumagineqartussaallutik. Napparsimanermi suliffeerunnermi ikiorsiissutinik immaqalu pisortanit ikiorsiissutinik qinnuteqartoqarsinnaavoq. Aaqqissuussinerit taamaattut kræftimik eqqorneqarsimasumut taamaallaat atuupput – qanigisaanut atuunnatik.

Ullumikkut qanigisaasut akiliuteqarnatik napparsimasoq ilagalugu Købehavnimi nakorsiarlut angerlarsimaffianni unnuisinnaapput. Napparsimasorli napparsimmavimmu unissatillugu qanigisaasut allamut nuuttariaqartarput.

Qanigisaasut isumaginninnermut aningaasaateqarfimmu akiliuteqartassasut ilaasortallu tassunga qinnuteqarsinnaasut suliffeqarfiit matuma kinguliani allassimasut SIK-mit isumaqatigiissuteqarfineqartut Isumaginninnermut, Ilaqutariinnermut, Naligiissitaanermit Inatsisinillu Atuutsitsinermit Naalakkersuisoqarfimmit paasissutissiissutigineqarpoq: KNI A/S, Royal Greenland A/S, Polar Raajat, Upernavik Seafood, Sulisitsisut, Nuuk Imeq A/S kiisalu Namminersorlutik Oqartussat. Aningaasaateqarfimmi allattoqarfittut suliassat SIK-mit isumagineqarput. Ikiorsiissutit uku qinnutigineqarsinnaapput: Sulinermi isertitassaraluanit annaasat, ineqarneq, angalanermut aningaasartuutit, ilerrup nunatsinnukaanneranut aningaasartuutit, isarussanut namminermut meeqqanulluunniit 18-it ataallugit ukiulinnut pisineq (aningaasaateqarfiit ilaannut atuuttoq). Suliffeqarfini SIK-mik isumaqatigiissuteqartuni sulisoq assersuutigalugu nammineq qanigisalluunniit napparsimarulunneranni ikiorsemegarnissamik qinnuteqarnissamut periarfissaqarpoq. Qanigisaasut tassaasinnaapput: Angajoqqaat, katissimallugu aapparisaq, inooqatigisaq, meeqqat qatanngutillu.

SIK-p isumaginninnermut aningaasaateqarfimmik ilaasortaminnut pilersitaannut assingusumik pilersitsinissaq sulisartut peqatigiiffinik kattuffiinillu suleqatigiissutigineqarsinnaanersoq Naalakkersuisut maanna misissorpaat.

31-05-2017
Sags nr. 2017-11432
Akt nr. 5503045


Postboks 1160
Tlf: 34 50 00
Fax: 34 55 05
3900 Nuuk

Email: gn@nanoo.gl
www.naalakkersuisut.gl

Tamatuma saniatigut kræftimik nappaatillit qanigisaasulluunniit angerlarsimaffimmi avataaniinneranni ikiorsiinissamut Peqqinnissaqarfik immikkut suliniuteqanngilaq.

Inussiarnersumik inuulluaqqusillunga

Med venlig hilsen


Agathe Fontain